



小學古意存是

外篇

仁仁
973
2止





明治
月 年
日 號
未



小學旨意存是卷五

困勉齋叢書第一帙

漸水 周文德穆然氏纂著

嘉言

小序。總旨引詩及聖言以見外篇之所由作。論題故有

物必有則。此題全在故字必字發意。

橫渠節。總旨此言小兒之當教因詳其不教之害分三

段看一段言涵養本原之事二段言天理所由滅人欲

所由熾三段言病根隨居而長教小節見後生小

子血氣未定做人多是荒錯傲慢故教小兒必要安詳

恭敬○今世節言親長外別無學問矣世人若不能

涵養孩提時愛親敬長之良使養成傲慢之惡習至死

不變故易曰蒙以養正聖功也。○為子節。正是所謂
傲慢至死只依舊處。○甚則節。極言不肯屈下之流
弊也。

文公節。

總旨此述文公蒙養之訓。**參**童稚節。言人當

幼時虛靈空洞知識原無定主見聞一入俗務便自纏
繞故當以孝悌忠信等語先入於其耳使記憶于心以
為之主。○日記節。古今不外一箇道理然必陳說故
事使知所效法講習日久既以成熟則其仁義禮智之
性若生成之自然矣所謂幼成若天性習慣如自然也。
論題德性自然。此題見習與性成。便若天生之自然。
明道節。**總旨**言教子弟當以經史為貴不可以玩好喪

志。**參**須知玩好固足奪志而作文字恐逞小智溺書札
恐妨正業乃為輕俊之子弟而養固亡當重獨在經書
耳。

伊川節。

總旨此見凡人為學。便苦難向道。非畏而不敢

學。則厭而不願學矣。惟先鼓動其性情。歌以暢其志。舞
以蕩其脉。使天機暢發。便自疊疊不倦。如關雎等詩。用
之鄉邦之間。令其日日傳誦。意趣有以發現否。

忠肅節。

總旨此示幼學以立志為要。分三段看。首段言

幼學之所當務。二段言顏孟為必可學。三段言立志不
可不高。**參**幼學節。言幼學之士。二節要路頭認得正
使識認稍有過差。則與聖賢下愚。渾無差別。何以定取

舍從違之路。患不知人。正是此意。○顏子節。此見聖賢可學而至。須重學。學即顏子孟子。當初亦由學而至的。學則何患不到顏孟地位。○言溫節。言學顏子也。不遷不貳。原是顏子好學處。言溫而順。正是學顏子好學處。○知埋節。言學孟子也。孟母三遷。是孟子不動心之學的原頭知之。敬至而不改變。正是學不動心處。○若夫節。歸重一志字。見人當立志以學聖賢。不可自居其下。**論題**。幼學所當先。此題見幼學習成之始。人品高下。行事善惡。不可不急為之務。○顏孟之事可學。此題須知。學則聖賢即我。而是玩一可字。不是聖賢。可使入學。是人可以學聖賢。

馬援節。

總旨

此述馬援訓姪之言。分五段看。第一段欲

其存忠厚之道。二段示姪以不當效。四段承上文而申言可效與不可效。**參**。兄子節。言馬伏波以忠厚之道戒兄子也。人不幸而有過失。聞於吾。吾不任規戒之責耳。彼之過失。何與我。而我復嘵嘵摘發。不益激其怒乎。故曰口不可得而言。○好議節。言好議論人。是非正法。乃取死之道也。言死者危辭。以惕之也。○龍伯節。重口無擇言句。伯高為人敦厚周慎。則其口自無可擇之言。而謙約數者之美德。畢萃於身矣。○杜李節。即好名之人。能讓千乘之國。一流人非好義也。乃好名也。清濁混淆。數郡畢至。其人亦非真能慕義者。○效伯節。

當漢之時競以俠氣標榜未必不嗆謹飾為迂儒馬
援詈其為輕薄子復甚之曰類狗鄙賤之極也

昭烈節 總旨此言善必積而後成惡雖小亦可慎

諸葛節 總旨言君子有主靜之學終可語以遠大之事

業 參夫學節 戒子當豫養其才學勿致追悔無及令

其子惕然深省 原本脫 君子節 論題澹泊明志寧靜致遠

此題天下遠之事身任之一著于奢侈妄動則必隨受
其累何以經理天下宜武侯為子諄諄言之

柳玘節 總旨此引柳玘戒子弟奢傲之切 參其一節

言不勤儉之失○其二節 言不好學之失○其三節

言不好善之失○其四節 言好宴樂之失○其五

節 言好奔競之失○余見節 凡以上五戒俱由於

不能忠孝勤儉便流於頑率奢傲殊不思祖先千辛萬

苦創業如升天之難與言及此真可痛哭流涕 論題急

名宦匿近權要 此題含仕進而依阿洩忍

范魯節 總旨記魯公詩訓從子之畧共十二節第一節

教以立身當務孝悌而不可怠二節戒祿不可干當盡

心于學三節教以致恭為能遠耻四節戒放肆之過五

節戒好飲酒六節戒多言之過七節戒好交游之過八

節戒承奉之過九節戒游俠之過十節戒好華飾之過

十一節戒名位之當避十二節戒賦命之當安末十二

句總括上文而戒 參為宰節 見范杲求奏遷秩是以

私親倖皇恩矣。○學立節。見事親孝則忠可移於君。故怡怡奉親乃居官第一件事之戒。○學干節。見范杲為官欲質以親故舉薦則學識有不至故其顧格言而思悟也。○遠耻節。見禮者事君之則遠耻辱之道也。引詩即無禮而至刺以速死甚言禮之不可無也。○勿放節。見周公孔子乃千古名教之宗而君子豈可放曠不端以玷於名教。○勿嗜節。此即上章柳玘之四戒酒也者外喪威儀內喪心志故曰狂藥此言不信但能醒眼看醉人。○勿多節。語云病從口入禍從口出此言雖小可以喻大。○重交節。見好為交游不勝喜怒反覆之常情非君子之所取。○好承節。見好為

承奉不勝俯仰低昂之醜態乃古人之所惡。○重游節。言激烈意氣而自陷於囚繫豈是直俠之道。○賤清節。言恣意華侈而誇耀於閭里便失清素之體。○我本節。言人臣當懷憂恨安可恃名勢而不知避。○物盛節。言富貴遲速有命自當盡人聽天何為求躁進以自取禍。論題馬援戒諸子。此題即效伯高李良之意。

康節節。總旨此記康節訓子為善之言分四節看第一節言人品之所由異二節統言善惡吉凶之辨三節言為善者為吉人四節言為惡者為凶人五節言吉凶之應于善惡毫不可爽則為吉為凶是在子孫之自取。

戒子節。見聖賢以學定人品。先儒以教定人品。○是知節。見以善不善誘人。不若以吉凶二字惕人。故康節以善不善為吉凶。○吉也節。見吾人一身不外視聽言動。待人接物數者。皆能以禮自持。則親賢避惡。如芝蘭有味。如畏蛇蝎。避惡何可難耶。○凶也節。小人純是一團陰柔氣。習言語俱不由中出。縱好險莫測。禍患。○不自由矣。故語云。小人枉了為小人。○傳有節。引傳言。以提醒子孫當為善以為吉人。非兩詰之辭。論題親賢如就芝蘭。此題即與善人居。如入芝蘭室。久而不。其香。之俱化。

節孝節。總旨此節孝訓子為善之言。首說君子易為與

君子之當為。而未復申其說以決之。

文定節。總旨此述文定勉子脩身為政。不可溺于嗜欲。

古靈節。總旨此教民禮義之行。分四段看。一段示民齊

家居鄉之道。二段示救災恤憐之道。三段示無作非為之道。四段示以揖讓之道。末二句總結上文之意。

溫公節。總旨此章曲言父命之當遵。分二節看。首節言事當稟命。二節言命無遺忘。行必返命。三節言當曲從父命。不得直行己志。

橫渠節。總旨言人子當以得親順親為事。分二節。上節言不可以舜之親視其親。下節言當以親之心為己心。

參舜之節。即舜之父母以形今之父母。見人子當順

其親。○若親節。所謂養親之志也。不順乎親。不可以為子。何至計家之有無。

仲素節。總旨言人子當罪己。不可有非其親之心。至父母分。上言子當以至是視其親。下節申明不可以不是視其親。參了翁節。不見君父。有不是處。則為人子者。惟思曲盡其當然之道。雖變不失其常。故曰是。

伊川節。總旨言人子事親之疾。不可不謹。重子孝邊。父慈邊。伴說論題。事親者不可不知醫。此題知醫則可嘗藥以奉親。

橫渠節。總旨言人貴自盡其孝敬之心。

伊川節。總旨此示人當崇報本之禮。冠婚喪祭鄉飲相

見之禮伴說分三節看。一節言祭儀當厚。二節言祭禮大畧。以申上文重本之意。三節言崇祀可以垂訓。參冠婚節。言豺獺皆知報本。則性之本善可知。○某嘗節。言六禮大畧。獨詳於追遠。蓋能厚於事死。必能厚於事生可知。

溫公節。總旨此言冠禮所係之重。示人當知分三節看。一節言冠禮之重。二節嘆冠禮之失。三節教人行冠之禮。參冠者節。言子臣弟少之行立。而後可稱成人。責任也。○冠禮節。言襁褓。僂加巾帽。製公服為戲。致後日愚駭。是陷人子為輕薄子也。○古禮節。言古禮當斟酌而裁以中正。其次能通孝經論語。必俟十五以上。

然後冠之也。論題不知成人之道。此題冠者成人之始。不慎於始。自不知其道。

古者節。總言此詳言古居喪之禮。而列古人居喪之嚴。以証之。分十五節。第一節言孝子初喪之禮。二節言居喪之禮。三節言小祥大祥之禮。四節言終喪之禮。五節言漢人居喪之嚴。六節言晉人居喪之嚴。七節言南朝居喪之嚴。八節言隋人居喪之嚴。九節言五代居喪之禮。十節言士大夫居喪之嚴。十一節嘆當時草野居喪之失。十二節教以居喪之正禮。十三節言老者之當養生。十四節言不執喪者。國家有正法。參晉阮節。引何曾言太子以孝治天下。不可如阮籍猖狂居喪。廢禮不

可為中國訓。○廬陵節。引劉湛對義真。欲其以禮自處。不可以居喪。而樂酒無厭。○煬帝節。此述煬帝居母喪。而求酒肉。非君道。子道所宜。○湖南節。此引潘起譏楚王居喪。不宜貪膏粱。然潘起既在官。當以嚴詢正義。感觸其不忍之心。非徒為譏諷之辭。而後可也。○五代節。承上言。君人無禮。致士大夫居喪無禮。而風俗因以盪觴。不可底止。○乃至節。承上言風俗流弊之極。至于娛尸作樂。中國淪于夷狄。可哀甚矣。

父母節。總言溫公既詳論前章之事。又言居喪男女內外。當有別分。三節。首節言男女各居喪室。以別內外之意。一節言內外當分。三節引古人居喪。見內外當嚴。參

中門節。言男女居喪各有定處，不相混雜，所以別嫌疑，亦所以成孝道也。○男子，并晉陳二節。又言男女內外之分當嚴，因引陳壽使婢進藥，為鄉黨貶議，嫌疑誠不可不謹。

父母喪不當節。**總旨**示人居喪當曲全其不出之心。

世俗節。**總旨**此言異端之不可信，以示人子居喪一于盡禮盡哀可矣。**參**此言後世信惑浮屠，皆為僧道所誑，因言佛未入中國，何三代世躋仁壽，並無天堂地獄之說，世俗不察，往往為佛老之徒，引入異端，毋惑乎風俗之頹敗也。

顏氏節。**總旨**此述顏氏家訓，以見異說之不當信。

伊川節。**總旨**此言人子當念父母，勿得姿其行樂之事。

呂氏節。**總旨**此示子孫以物與無妄之意，乃移孝作忠。

視國事如家事，處國人如家人之道也。**參**見為官當盡

心，稍有一毫未盡，便非視國如家，豈能盡心報國。

或問節。**總旨**此示以誠能動物，過則歸己，善則歸人，自

能如子盡孝以恪親。**參**誠意只是人公無我之心。

明道節。**總旨**此言居官當以愛民為念。

安禮節。**總旨**此言臨民御史之道。**論題**正己格物。此

題須發出我有至公至明之心，則吏自不忍欺，不敢欺矣。

伊川節。**總旨**此示人以忠厚之道。

童蒙節。

總旨此言居官持身之要。

當官節。

總旨此言居官當慎所與。**論題**清心省事。此

題須知省事本于清心。

後生節。

總旨此言居官以清廉為要。**參**吏人無知文奸

最難模捉。雖明察者往往墮入牢籠之計。况後生少年
乎。有官守者。明以察之。威以斷之。使彼不敢阻挾。何譴
之有責哉。

當官節。

總旨此言居官當以懲忿為先。不懲小忿。自貽

大害。最為可戒。

當官處事節。

總旨此言居官處事。當以存誠為要。若不

信乎朋友。便不獲乎上矣。

王吉節。

總旨此言婚姻所係性命之大。為父母者不可

不遵古禮。以為子壽命之防。

文中節。

總旨此示人婚娶當以古為準。**參**擇德不特男

擇女。女亦欲擇男。擇之以德。自有兩相親愛。不言而喻
處。何必論眼前財勢。

早婚節。

總旨此示人婚姻以時。貴賤有等。正庶人夫婦

之綱。**參**此正家之道也。易曰。夫夫婦婦。而家道正。正家
而天下定矣。

溫公節。

總旨此言結婚姻之道。在于德行。而不在于富

貴。分四節。首節言富貴不可慕。二節言壻之性行當察。
三節言女之性行當察。四節言人貴自立。不可恃妻富。

貴。

安定節。

總旨此言女子從入當以順為正。勝不勝特徵

言之。非真有所揀擇。

婦婦節。

總旨此言婦婦不可嫁娶。所以重人倫也。分二

段。上言婦婦不可娶。下言婦婦不可嫁。

顏氏節。

總旨此言女子當正位乎內。不得于外事以致

禍。**參**易曰無攸遂。在中饋。貞吉。書曰牝雞無晨。牝雞之

晨。惟家之索。總是此意。

江東節。

總旨此言風俗之異。至愆慙分。上是江東風俗。

下是鄴下風俗。**參**婦人則宜柔順中正。正位乎內。專以

婦人撐持門戶。內外之分。亦甚倒置矣。

夫有節。

總旨此言倫理之當篤。而兄弟尤重于妻子。不

可不審。分三節。首節言人倫為重。二節言兄弟之親。三

節言友愛易衰。而人當篤其孔懷之情。**參**人民節。中

庸曰仁者人也。親親為大。孟子曰親親仁也。三親於人

倫為重。可不知所以親之乎。○兄弟節。言兄弟手足

至親。即孩提無不知愛之。良知良能。天性之不易如此。

○及其節。言兄弟之情。移于妻子。亦常人固然。○婦

如節。言友愛易衰于妻子。人當篤天顯之倫。不可為

妻子而疎兄弟。

仲塗節。

總旨此言仲塗述祖不聽婦言。人家兄弟皆由

娶婦至。以形迹相仇讎。必不用婦言。方可保全一家。不

至骨肉相殘云論題幾人能不為婦言所惑。此題是
紂惟用婦言。至于亡國喪身。為丈夫子。若不顧父母兄
弟大綱。常自為婦言所惑。能不遺笑鄰里。致譏史冊哉。
伊川節。總旨此言人當因其所明。通其所蔽。以父母口
體犬馬異己者。天理之明也。愛父母之子。輕於己之子
者。人欲之蔽也。人知愛父母。併愛父母所重之物。至
兄弟。併為父母所至愛。乃視之若讎敵。何哉。故甚言其
惑。以提醒斯世。

橫渠節。總旨此言兄弟當各盡其友愛。不可以不友不
恭相效。尤彼此不能辭其責。

伊川節。總旨此示君臣朋友。以久敬之道。論題當以敬

為主。此題言人不主敬。則事皆失于肆。故必主一無
適。須更不離。方可接物。不然何聖賢相傳。外此無餘意
焉。

橫渠節。總旨言善交之道。以久敬為主。則日親而友誼
得全。

童蒙節。總旨此述呂氏舉僚友。以慨古今風俗之異。論
題風俗安得不厚。此題見居官居家。皆以遜讓為先。
此厚風俗之要道也。

范文節。總旨此記文公思親之言。篤親之訓。與其惠愛
之事。分三段。一段言不得享親之恨。二段言九族之當
親。三段言篤親之事。

溫公節。 **總旨**此述溫公示人守禮法以御家衆節財用以給衣食戒侈奢以備凶荒皆治家之要也。 **論題**制財用之節。 此題須發出節用之意見得先王治天下亦莫先於謹財用况治家而可不節乎。

仲舒節。 **總旨**此仲舒發明仁人之旨。 **論題**正義明道。 此題須發出正義未嘗不利明道豈必無功但不以先功利為心耳。

思邈節。 **總旨**此示人以為人之則。 **論題**古語節。 此言人當審于善惡之幾而決于所從。

孝友節。 **總旨**此言人當以謙讓為貴。 **論題**濂溪節。 此示人以聖賢為可學分三段一段言所

希之不同而因舉賢者之事二段言士之希賢三段言希賢無損于名以見人不可不希賢也。 **論題**志伊尹之所志。 此題須發出希賢聖豈在聖賢之事哉聖賢之事第從其志而發。 **論題**之人從而志之則窮居時已不容諉何必以尹視尹乎。

聖人節。 **總旨**此言人當明道之體用。 **論題**仲由節。 此引子路改過之勇以傷今人之文過而自滅其身。

明道節。 **總旨**此言學問之道只在收放心放心收便是下學上達而為聖賢大學術初不在言語文字之間。 **論題**心要節。 **總旨**言心之不可放。 **論題**心要在腔。 此題須

發出惟秉一敬自不外馳意。

伊川節。 **總旨**言敬則自無物欲之累。

伊川甚愛節。 **總旨**言人之進德敗度係于心之敬肆表記之言為足信。

人於節。 **總旨**此欲人自識其身心之重不可徒知外物為奉身不知內理以正心。

伊川節。 **總旨**此是伊川述孔顏問答授受心法而因著四勿之箴以發明之。 **參**顏淵節。四勿只指箇數目。總在自心分出非禮勿者勿使非禮淫於視聽言動也。○四者節。言四勿之訓乃由中應外制外養中人當守以為法乃所以希聖希賢。○視箴節。此述克已視箴。

見人當養其真明不為外物所蔽。○聽箴節。此述克

已聽箴見人當養其真聽不為淫聲所亂。○言箴節。

此述克已言箴見人當防之於口不可為非法之言。○

動箴節。此述克已動箴見人當勵行自持不可以習

壞性而自外于聖賢。 **論題**興戎出好。此題須發出言

不善千里外戎兵應焉言而善千里外和好應焉信乎

禍福皆言之自召。

伊川節。 **總旨**此示人以有學有才有德之足貴因著其

不幸有三見人當以遠大自期。

橫渠節。 **總旨**此言人當以禮義為先不可玩日竭歲飽

煖安逸無所事事。

忠宣節。 **總旨**見學以反己為貴，即所謂忠恕違道不遠是也。能於人己之間，反求而得之，便是真實念頭。蓋言反己，即為聖賢，非待由此而求之也。

榮公節。 **總旨**此言養重之足貴，蓋以容貌辭氣乃德之符，人不可不謹所自，即不重不威，學則不固道理，見人不可不養器識以為學。

攻其節。 **總旨**此言為學當先攻己，不可毫有自恕自寬之意，所謂自治不暇，奚暇治人之意。

大要節。 **總旨**此言古今作事不同，以致思古傷今之意。恩讎節。 **總旨**此戒人不可不慎言，即言人不善，當如後患何之意。

思叔節。 **總旨**此思叔以誠敬自勉，分而言之，十四事合而言之，一誠敬也。 **參**言忠信行篤敬，二者養德切務，節飲食正字畫者，養身切務，字畫亦行之一端，故要楷正。 ○作事二句，即論語之謹而信，常德句，即論語之據於德，然諾句，即論語之信近於義，非止應聲之重也。見善二句，即論語之見善如不及，見不善如探湯。

胡文節。 **總旨**此言勢分之不可恃，而引武侯之言與事，而稱美之分四段，首段言人當淡薄，而引孟子之言，以實之。二段言孔明窮達之事，三段述孔明之言，不欲以富厚遺子孫，四段是按其事而錄之，以為世法。 **參**人須節，見淡薄足以明志，若不去富貴態，將患得患失，不

顧禮義而為之矣。故曰墜墮。○常愛節。言知足常足。知止不殆。孔明於世味淡薄。故不到治生以長尺寸。所謂除去此等常自激昂者。不可謂大丈夫乎。

益謙節。**總旨**此益謙著戒以自警也。首以君國重事。非所當言。二以居下不可訕上。非所敢言。三以言人不善。當有後患。四以涉於干進奔競之私。五以計利而忘義。六以非禮。七以涉於貪饕而無耻。故先生著之於戒。又詳細微之事。而切戒之。

胡子節。**總旨**此慨學者專尚文辭。不崇實德。故為是言以曉之。

顏氏節。**總旨**此示人以學問之益。與夫學問之過。分十

節。首節言學問為可知行。二節言學問則能事親。三節言學問則能事君。四節言學問能抑驕奢。五節言學問能脩鄙恪。六節言學問能鎔暴悍。七節言學問能起怯懦。八節因上文而廣學問之益。九節言不行學問之致。毀十節言自務學之見惡。而因以不如無學曉之。**參**夫所節。示人學問之益。在心知而力行。○養親節。言宜效法古人。以盡養親之道。不徒服勞之為兢兢也。○事君節。言宜效法古人。以盡事君之道。不徒諫諍之為兢兢也。合上總是學問之道。○素驕節。欲法古人。恭儉謙卑。以融驕奢之念。惟以禮之敬者為主。○素鄙節。欲法古人。輕財重義。以化鄙恪。惟在散財以賑

窮乏不可以盈滿自居。○素怯節。欲法古人剛毅正直以化怯懦之心。惟在達生知命。不為邀福慎禍計也。○歷茲并世人二節。言學問之道。知行合一。倘能言而不能行。則亦武人俗吏。終歸于不知學術而已。○又有節。言人以博學自誇。敢以驕人鄙人。至受人疾惡。皆不能謙以受益。滿自招損。雖學與不學同也。

伊川節。總旨此言大學一書乃初學要領。由此而論語孟子皆次第而讀。皆以大學為入門。大學論孟之書。俱是格致誠正修齊治平之道。然學有次第。必知所先後。而後可以近道。次第二字可思。

凡看節。總旨此言讀論孟二書不可徒誦往聖空言。須

身體力行。庶一言終身用之不盡。切己二字有味。

讀論節。總旨此言讀論語者。須將聖賢問答設身處地方有實得。

橫渠節。總旨此言中庸之理奧妙。非句句自家理會。安能有得。

六經節。總旨此言六經理義。須學有精進。方可上達。

呂舍節。總旨此言為學貴心體力行。分三節看。首節言學所以為道。總不外於日用。二節言為學須有成規。三節言為學須資師友。還當自致其心矣。大抵節述

呂舍人言。後生須知所學何事。○一行節。此言讀書者。須行止語默在於會悟。讀經有讀經要法。讀子有讀

子要法。讀史有讀史要法。非字句用心體認。安能隨讀而隨有得。**論題**疑難質問。此題須發出。學貴能疑。疑便能悟。問以決疑。曉而思問。學問之道。於是乎思過半矣。

童蒙節。**總旨**此段示人爲學在於致知力行。首至浹洽。是致知之事。難事至堅固。是力行之事。末四句言其知行之久。自然有得。**參**此統言學問之道。不記則事不貫穿。不辨則理不浹洽。不行則學不堅固。惟博記明辨篤行。久當自得。

前輩節。**總旨**此言思學不可偏廢。後生不學則徒恃聰明。有何可畏。然吾人日用行住坐卧。莫非讀書。但要思

耳。苟不用力于思。必至鹵莽滅裂。昏無所得。

顏氏節。**總旨**此顏氏以專敬書字爲子孫訓也。**參**借人節。重典籍。重聖賢也。缺壞補治者。不敢輕褻之也。○濟陽節。此江祿黃卷對語。不以急事損壞書籍。非口讀者流。○或有節。聖賢片言隻字。皆當重之。况五經詞義與聖賢姓名乎。

明道節。**總旨**君子教人有序。近小之中自有遠大者存。非先傳而後倦也。

明道道之節。**總旨**此示人正學當崇異端當闢。而因明異端之所由害。正道之所由入處。**參**道之節。見今昔異端爲害有淺深不同。以其入人有難易。不可不窮力。

○自謂節。言佛老之說每托為神化，易于入人，故人厭淺陋固滯，而自溺于幽深玄遠。○自道節。言聖道不明，異端乘之以惑世誣民，使人日淪于醉夢，而終于昏惑不解，未結言望人攻異端，以開聖道，庶幾聖人之徒。

小學旨意存是卷五終

小學旨意存是卷六

善行

澌水 周文德穆然氏纂著

榮公節。總旨此言榮公存心脩身，不負其父師之教。

榮公節。言為相臣有三：曰度，曰才，曰業，得一可相天子，簡重寡默，可以規其度也，不以事物經心，以其所經心者端有在也，教循規矩，正其深於愛處。○甫十節。此言侍側之禮，即弟子孝弟日用之常行。○行步節。此言出入必謹，視聽有度，所謂非禮不動者此也。○正獻節。此言正獻公延焦先生教訓諸子，以嚴毅剛正為先，不容人過，學者自然望風知畏，其嚴憚切磅有造。

于諸生也如此。○時公節。此言榮公德器成就皆由
于內教外化之嚴篤。**論題**事事循蹈規矩。此題言人
一身總不外視聽言動以大中正之禮為之模範自然
有所成就。○教嚴化篤。此題嚴則整而不懈篤則厚
而有力。內外交盡其責故公德成就。

又榮公節。

總旨此叙显之教女之儉與夫人教女之嚴

參張夫人節。言夫人幼出官門其父訓而且嚴宜乎
以淑女而宜家人也。○及夫節。言張夫人防微杜漸
之嚴其家法萬世可宗何當時侈泰成風耶。**論題**教必
有法度。此題誠女雖屬母教亦必父有法度言當謹
於微防其漸也。

陽城節。

總旨此說陽城重孝養之意。**論題**學為忠孝

此題忠君孝親人倫之大然孝所以事君不得分為兩
事。

安定節。

總旨此言安定先生教人務本之學。**參**安定節。

言以身先之有而後求也。嚴公服其身正也。解經言
其要義無隱乎爾也。教授大學之樞翼之處則忠于心
出則見于事正以身任斯道之重。孔子四教先以文行
文要于理則行敦於實矣。○其在節。言經義齋所以
明理道治事齋所以理兵民有體即有用。大學中誠大
學術也。○其弟節。言不知其師視其弟子循循雅飭
語語贊頌不問而知為胡公弟子也。**論題**治已治人。

此題即修己安人之旨。○文章必以理勝。此題見文
貴純正典雅。不得作為浮詞欺世耳。

明道節。 **總旨** 此言明道延師造士之意。 **察治天節** 言
風俗不正。則民用頗僻。賢才不得。則處士橫議。正之者
正以己也。得之者得以身也。為本見治天下。不止于此。
而亦不外于此。○宜先節。言專以得賢才為主。見賢
才得。而風俗可正。○其道節。言所以講明正學者。不
外乎人倫物理。倫理明。而風俗可正矣。其教六句。是蒙
養之功。不失次第處。擇善正所修身。化成天下。則善無
不擇。身無不修矣。人有聖凡。道豈有二。以聖人亦人倫
中人也。○其學節。此言以善教人。必先擇師。以分教

天下。○擇士節。此言造士之方。作養人才。乃古者敬
德尊賢之意。○凡擇節。此言選士之法。即古鄉有學
里有選。總之以孝悌為先。 **論題** 必本于人倫明物理。

此題須發出道不遠人。有物有則。不得離人物以外求。
伊川節。 **總旨** 此言伊川立課訓士之法。 **察看詳節** 此

伊川課訓士。大抵以禮義相先。不拘資格。亦立賢無方
之意。○制尊節。言延天下名士。以立教條。欲以移風
易俗。 **論題** 勵行檢以厚風教。此題須知行檢不勵。則
風教無由厚。此教條不容不立。

藍田節。 **總旨** 此言呂氏居鄉設約之嚴。成就鄉人之意。
論題 德業相勸。此題德業二字。須體認親切。德崇則

業廣自古未有德不修而業能自立者故同私中要以此相勸。

明道節。

總旨

此言明道教人有序學者不能循序之弊。

察教人節。

言明道教大學中兼有小學之序。○病世節。

言後世學者躐等不循行遠自邇登高自卑之序。

雖終身為學茫無所得可不戒哉。

江革節。

總旨

此言江革孝行雖遇難不易其心強賊可

以誠格卒全身全親非大孝孰能如此。**論題**感動賊人

之心。此題見忠信可感豚魚賊有不忍之心江革能

以孝感動之誠能動物如此。

薛包節。

總旨

此言薛包孝親及於兄弟誠愛之至。**察好**

學節。言包孝行出于天性雖為親所逐猶能盡孝道

以挽回天心真如大舜之致底豫古今罕有。○既而節。

言分財自取儉約以讓諸昆季至昆季破產又分己

物賑給尤人情所難。

王祥節。

總旨

此言王祥孝感天地以提醒人不可不孝。

亦須知王祥之孝乃出於天性自然也。**論題**鯉出水雀

入幕。此題見非孝行純篤不能如此。○篤孝純至。

此題須發篤字與純字如移少慕為外物所遷。便非純

篤。

王裒節。

總旨

此言裒痛父死非命終身不臣於晉有傷

悼不容解之意。**察**王裒節。此錄儀所由死以大裒不

臣于晉之意。○哀痛節。儀之死昭實哀之讐也。讐不共戴。何肯出而仕其國乎。故攀柏之淚。讀詩之涕。門人之廢蓼莪。皆痛心所感耳。○家貧節。衣食不求豐。坐不西向。皆痛父不忍故耳。**論題**廢蓼莪篇。此題見王哀念劬勞之恩。致門人廢詩。真純孝也。

西河節。**總旨**此言王延冬温夏清。猶子道之常。至約已厚親。尤人所難也。

柳玘節。**總旨**此言婦之事姑。而能愿其效者。蓋欲後人效之。聊以是誌不朽耳。**參**崔山節。言乳姑之孝。能孝能敬。即丈夫且難。而女子有此。古今罕有。○一日節。此長孫婦人感婦之孝。亦欲子孫孝敬之報。以昌大崔

門。是天道好還常理。

南齊節。**總旨**此言黔婁為孱。原本此下有脫字上是作令。因心

驚而棄歸。下是嘗糞。因拜辰而求代。**參**庾黔節。此言

黔婁心驚。□□皆與親通為一體。○時易節。言嘗

穢不避穢惡。尤人所難。至祈禱願以身代。是知有親不知有身矣。

海虞節。**總旨**此言子平居喪。負罪之忱。分三節看。首節

言因親未葬。而無志于衣食。二節言親未葬。而無志于安居。三節言興宗矜賞其孝。遂其葬親之志。**論題**天地一罪人。此題須知五刑之屬三千。而罪莫大不孝。子平以罪人自咎。其親喪自盡之心耶。

壽昌節。總旨此言壽昌不忘親之孝。一節言思母之哀。

二節言尋母之誠。三節言孝所由聞。四節言孝之所推。

五節言父族母族生死咸得其宜。而因原其出于天性。

伊川節。總旨此言伊川以禮治喪。近世為浮屠地獄所

惑。坐親有罪。亦伊川罪人也。

霍光節。總旨此言霍光居官謹恪。守臣禮。出入朝端不

以冥冥情行。誰謂不學無術耶。

汲黯節。總旨此言汲黯直道事君。一節言黯以直見黜。

二節言黯不為勢揖。三節言黯直諫。而帝以為戇。四節

言黯因人言。而自謂不從諛。以辱朝廷。五節言助稱黯

正直。而帝知其社稷臣。六節言帝致禮汲黯。而終以嚴

見憚之意。參汲黯節。言黯以直道事君。不屈于權貴。

見其剛直天性。非人所能勉。上方節。斥武帝假仁

義。誠戇以成其忠。見武帝亦有人君之度。群臣節。

黯以忠直見責于人。因自表以義正君。不辱朝廷。耿耿

剛風。直駕今古。黯多節。黯之戇。帝素知之。何如之

問。欲核其實。助之對實道其真。帝稱為社稷臣。謂非深

知黯不可。大將節。言武帝踞待衛青公孫弘。而獨

敬禮汲黯。何也。以其直也。論題汲黯如何人。此言黯

之戇。宜帝已知之。問有欲定其人品意。汲黯社稷臣。

此題須發出。社稷臣以安社稷為悅。武帝稱黯不失

知人之明。避帷可奏。此題須發出。以嚴見憚意。

初魏節。

總旨

此言高允直言無隱而帝與太子旌加其

直。

遼東節。

言布千疋皆民間尺寸之利其工力幾

何恬受之而不為怪其害民多矣受布之罪小欺君之

罪大允教以勿欺不止免罪令之知有君也鑒質教以

隱諱即免于罪不幾於無君乎卒如鑒質之言而死而

高允為無負于黑子矣。○帝使節。見太子師弟之情。

但未合高允公直之心。○太子節。言高允以直對君

自引其罪且直述太子丐生之意非出迷亂可謂忠誠

之至自然格天况君不感動乎。○帝顧節。人情事發

覺重為欺罔允一一不欺此實難矣帝既稱其難復贊

其貞信旌其美善豈第見原而已耶。○他日節。見太

子全師厚道高允忠君直道可謂情義兩全。○允退節。

黑子不聽允言而死允不依太子言而生恐負云者

不欺死友正所以不欺其生也。**論題**直哉人情所難

此題須發出事君致身意高允不偷生罔君可謂得致

身之義。○恐負翟黑子。此題須發出為人自為同出

一轍又須引王□□仁之恨以定人品之高下。

李君節。

總旨

此言君行不許子弟冒籍應試而教以力

學俟命不欺其君。

崔玄節。

總旨

此言玄暉遵母居官之訓而無愧於心者

也。見母賢而子亦賢。**論題**辛亥馭確論。此題須發出

聖賢教人不過如此意。○獨不內愧于心。此題須發

出人所行不善良心自然耿耿與其內愧何不早為內省之地意

劉器節 **總旨**此見器之居官之論正色之語皆為官當

法論題守官常持四字 此題須發分而行之有四事

謹而持之則一心無先後輕重之別意

伊川節 **總旨**此伊川示人為政有本意 **論題**替古愛民

此題須發出不自是與一體意

榮公節 **總旨**此言榮公父子未嘗求薦于人為居官之

正

孝婦節 **總旨**此言孝婦養姑始終不失信義分四段第

一段述成時屬託然諾之言二段表其不負託之意三

段記其死守終養之事四段記其旗孝之事 **參**孝婦節

行成時惓惓以養母為念蓋以其婦賢自善為之處

也曰無他兄弟欲其無他諉也曰吾不還欲其卒于養

也曰諾其辭緩豈遲疑不決哉此中情事妻其益存無

限低徊者矣○夫果節 終養其母孝而信也至死不

嫁節也欲自殺勇也葬從其厚不食其親也 **論題**不信

何以立於世 此題須發出不欺其夫而能終養之意

鮑宣節 **總旨**此言鮑宣安貧賤而厭妻富貴桓少君能

却富貴而從夫推此忠與日月爭光可也

曹爽節 **原**本闕 **及** **首** **參**時文節 許其改節

是以詐處父子間矣然行詐事小失節事大使懈其防

而斷鼻寧毀吾膚不欲裂吾節也。雖父母之體不可毀傷。然夫婦之義詎可截乎。○或謂節。辛苦指上截耳。斷髮割鼻欲誰為。或人誠不知所為者。仁義仁者二句。是令女守義本意。盛衰存亡不得泛言。須貼出被誅盡死講。不忍棄不為禽獸。正是仁義。論題仁者不以盛二句。此題仁以愛親義以事長。本於天性自然。而然。即家有盛衰。人有存亡不同。而心節自炯炯不昧。

鄭義節。

總旨此言盧孝婦全姑于患難之事。鄭義節。

自古孝婦養姑于安平易。全終于患難。盧氏冒白刃。捨身扶姑。卒身姑兩全。是天以完節成盧氏。論題人異禽獸以有仁義。此題仁義比他處不同。須言仁以

愛親義不避難。方于本文情事關切。非兼寒暑以狀其

唐奉節。

總旨此言竇女死節之事。至捨之而去。分上言

被盜相繼死傷之事。下言旌節之事。論題折足破面。

此題二女一死非命。一生毀形。殆留一貞烈。以為近世儀刑。

繆彤節。

總旨此言繆彤自責感化之事。論題學聖人以

齊風俗。此題須發出聖人能修身齊治。學聖人者。惟有自責一法。可以化成于俗。

蘇瓊節。

總旨此言瓊孝友出于天性能以片言折獄。感

動普明兄弟良心。分居而復同居。其至誠所格。不在言詞之內矣。論題天下難得者兄弟。此題發出天倫為

重何論田地當以夷齊斷案。

王祥節。 **總旨**此言王祥王覽異母兄弟皆天性夙生非人情所能勉強至妯娌勞苦代分尤女中丈夫未易數數。

鄧攸節。 **總旨**上言鄧攸棄子絕嗣下言哀其事而侄為終喪服。 **參**鄧攸棄子存侄雖人情所難但繫于樹坐視其死母乃忍心害理乎。 **論題**天道無知。此題伯道千古留憾果天道乎抑人道乎從來未見定論。

庾袞節。 **總旨**此言庾袞事兄不以疫而易心不以死而輟哀誠孝友出于天性卒之兄弟兩全亦人定可以勝天也。 **論題**歲寒知松柏後凋。此題非歲寒無以知松

柏非疫癘無以表庾袞。

楊播節。 **總旨**此言兄弟友愛並敦義讓。 **參**楊播節。聚廳相對是同居之義美味共食是同食之義障幔寢息是同寢之義而讓在其中矣。 ○椿年節。扶寢問安相事如父子亦是義讓處。 ○椿津節。並登台鼎子孫羅列唯命是從非義讓乎。 ○椿每節。食必先嘗以視寒熱義也未寄不食不忘敬兄亦義也而讓在矣。至庭無間言非義讓所致乎。

牛弘節。 **總旨**此言牛弘始終愛弟不為婦言所間。 **參**兄弟不睦皆婦人所致而弘不問殺牛至妻言至再付之不聞可謂善處兄弟而曲全友愛之情也。

李勤節。 **總旨** 英公位高而為姊煮粥。至於焚鬚。可謂骨肉至情。而忘爵位之榮者乎。

溫公節。 **總旨** 此言溫公事兄。尊之如父。愛之如子。問食問衣。不失其時。非孝友性生能勤。渠如此乎。

晁氏節。 **總旨** 此言晁氏以古道教戒子弟。即內外親戚皆不敢稱字。以存謙厚。後世呼名呼字。矜已驕人。大有愧于晁氏矣。

孝肅節。 **總旨** 此言孝肅以清直居官。故民無貪冒之行。以見人性之善。 **參** 孝肅節。還金不欺人。死辭金不忘父。生當求三代以上之人。其孝肅清白所感乎。○榮公節。可為堯舜。是引以證其好人。

萬石節。 **原本** **參** 萬石節。必起必軾。敬君之禮。必服不名。待下之禮。子孫有過。不讓不食。須求諸已之道。○子孫節。冠不涉于慢。謹不涉于流。待幼如此。事長可知。御下如此。與人可知。 **總** 見身先之化。○上時節。言天威不違咫尺。喪致乎哀。其忠天性固然。○萬石節。言孝謹為齊魯敬服。○長子節。言徒序其爵。見萬石教子卒能成名。不愧乎親。○建老節。言萬石孝養至老不衰。其細微曲折。一以為常。足稱純孝。○內史節。言入里不下車。貴子以貴驕人。至舉族肉袒謝罪。不釋必下車趨。至家方釋。可謂謙以受益。不以富貴示人。疏廣節。 **總旨** 言疏廣知足不殆。知止不辱。 **參** 疏廣節。

疏廣節。

總旨 言疏廣知足不殆。知止不辱。 **參** 疏廣節。

言疏廣見幾致仕散金與族人故舊賓客不以金遺子孫其識見有大過人○居歲節言為子孫欲為田產謀其昆弟老人為言亦常人之情非可為超世特達者言○廣曰節言廣欲子孫勤耕食力不欲以贏餘成其怠惰見高世俗萬萬○賢而節言廣不以多財益子孫之愚最得貽謀大道且以所賜金與鄉黨宗族盡餘生立身裕後各得其道論題賢愚俱為多財所累此題須知賢而多財則損其賢愚而多財則益其愚真聖賢格言

龐公節總旨此言躬耕自樂不求名達尤人所能但夫妻相敬如賓又以躬耕遺安子孫誠高士也論題龐公

遺安子孫 此題龐公之遺安即揚伯起清白見超世萬萬

淵明節總旨此淵明以一力助子薪水且戒子善遇之見恤下教子兩全其美

孝芬節總旨此言兄弟友愛分二節第一節言財布一毫不私二節言叔亡能奉叔母如母家事一一聽命錢財一一聽其出入此古今罕觀論題事兄曲盡恭順之禮此題須知恭敬以篤天倫和順以達友愛其本在公財利以尊長上方能如是

王凝節總旨此言王凝勤儉恭恕誠御家之教冠婚喪祭誠正家之禮至於什物無苟費果木無苟亂尤見家

法嚴謹當為世法。

公藝節。

總旨

忍之一字誠居家善物公藝對君一言可

盡請紙筆以書其有所諷乎。公藝九世同居以忍為

先但高宗委靡不能剛斷皆由太忍之過公藝書百忍

以上亦失因事納忠之道。

文公節。

總旨

此言董子隱居行義韓子為作此詩以淮

水起興。文公節。言董生隱而行義何隱非仕不能

薦不聞名聲不及與終南富春大異徵租索錢可想其

安貧。朝出節。樵漁耕讀樂得其道父母妻子樂得

其倫具甘旨亦從耕漁得來。孝且節。揭出天知二

字見董生不求人知人亦不能知異物祥瑞見慈之致

祥處。一將節。言世之爵祿適以賈禍而及父母何

如隱居淮淝貧賤自得而令父母甘旨無缺也。

公綽節。

總旨

此歷言公綽家法之善。公綽節。言治

家無法則治國無法非徒贊其治家也。中門節。小

齋之設為課子弟計也。讀史論文期于明道居官治家

正欲識齊治大旨聽琴則聲音之道正與政通夏有以

得其性情之正。其遇節。遇飢蔬食有澹泊明志之

意不聽食肉有悟之以道味之意。姑姊節。男女以

正婚姻以時資裝其末也疏遠必擇一則可以定婚姻

一則可以為祖考。及公節。仲郢敬事公叔令人想

見公綽吾不嘉仲郢而嘉公綽。公綽節。此言公綽

據主意象
上居官上
當者講議
二字

妻韓氏家法嚴肅以儉約自持不以富貴而易素行又能以勤苦勵諸子即古和九之敬不外是矣論題講議居官治家之法此題須發出居官有為政要道治家以修身為本日夜與諸子講議所謂家修庭者此也幼學壯行者是也論題和九賜諸子此題言和膽為九教子堪稱女子賢丈夫矣

江州節總旨此言陳氏孝友異類為之感化

温公節總旨此温公述李相家法能二百口同居共爨

田園財帛至公無私非宗諤制度盡善安能如此

五倫節總旨此第五倫自言不能無私如不受千里馬

終以選舉不忘此受恩一私也姪病十往安寢子疾不

省不眠此子姪二心一私也非忠厚長者安能自知名而自道直也參人情不肯自道其私知其私便是物我無間之心

劉寬節總旨婢女污朝衣雖家人小過他人當此如何

徵色發聲寬獨以爛手為問真聖人問人不問馬之心

吾夏有取乎其仁

張湛節總旨此張湛取法聖人以禮自持分二段嚴君

以上是居家有禮鄉黨以下是居鄉有禮參張湛節

動止不踰乎則是以禮範己故能為人所範○建武節

引禮及聖人事見平日好禮及願學孔子處

楊震節總旨此言楊震薦賢為國不受私賄論題楊震

四知。此題震之清介不以昭昭守之不以冥冥失之意。

茅容節。總旨此言郭林宗奇茅容之之行而勸學以成其德。參茅容正襟危坐林宗一見奇而異之且容孝母忘人之貴林宗知人忘己之貴因勸學成德相契在世俗之表。

陶侃節。總旨此述侃勤于王事。參陶侃節。言侃遭晉中衰能奮心勵志為恢復中原計。晉所以幾亡未亡賴此維持挽回之力也。○後為節。言侃有應變理煩之才。決事揮霍易如反掌。是晉朝名臣未易數數也。○常語節。言侃處五胡濁亂之時。甚于大禹洪水之時。三

過不入。惜陰也。朝暮運甕亦惜陰也。惜分陰非勉眾人。是自勉。○諸參節。晉世清談是尚。實祖老莊。至呼盧博陸其尤甚矣。士行醒之以先王。一切間散之輩奮然有所振起。論題愛倫理尚名教。此題晉俗頹敗如侃者亦可砥柱中流。

王勃節。總旨此言行儉知人之明。參器識本也。文藝末也。有器識而文藝始附之以顯。不然文藝愈工而元氣愈削矣。孔子曰由不得其死。正為英氣大露。論題士先器識而後文藝。此題器識本也。文藝末也。無器識文藝何附。故士貴審所先後。

孔戡節。總旨此寫孔戡遵義去利。由心之真。有義。

公綽節 **總旨** 此言柳公家法之嚴 **參** 入境不知是公綽

戒嚴呼丈納拜是公綽不矜

仲郢節 **總旨** 此言柳公行己之德治家之法 **參** 仲郢節

三為大夫何求不遂隱以勤約自處有去奢示儉之

意手不釋卷其仕而優則學乎 ○家法節 言不奏祥

瑞不度僧道猶易事至濟貧卹孤捐租救荒嫁孤女最

人所難也 **論題** 以救濟貧窮賑恤孤寡為切要事 此

題是天地好生之心堪與竇燕山陰功一律可為輓近

鄙吝者另開一眼界另具一心田 **甲**

柳玘節 **總旨** 此柳玘借王馮為子弟戒有五意一戒珍

玩奇貨不可貪二戒恩權隆赫不可恃三戒情愛不能

正家四戒失言不能終身五戒嬖下人害門客而不知

論題 一事作戒數端 此題戒人見利當思義居窮當

思危正家謹言養女子小人不可失道

王文節 **總旨** 此言文正公有安天下之志

范文節 **總旨** 此言文正自任之意 **論題** 慨然有志於天

下 此題士君子生世即天地萬物皆吾分內事但措

之于世則為經綸蘊之于心則為期許絕不前後兩截

○先憂後樂 此題有其憂有并忘其憂即是樂其樂

有不流于淫即是憂意

溫公節 **總旨** 此述溫公自言無欺之意

管寧節 **總旨** 此言管寧謹身之學

獻公節。

總旨此言獻公治心養性之學。**論題**以治心養

性為本。此題正獻之學。最得聖賢真正學術。非學何

以能淡于世味。

明道節。

總旨此言明道和以接物。敬以持己之德。此是

真正大學問。

劉忠節。

總旨此言忠定公力行其誠之效。**論題**誠為物之

終始。即終身行之。而不能盡。曰不妄語。問其所以不妄

者何物。言行人之大端。如此言。如此行。聖賢亦不過是。

論題言行一致。表裏相應。此題須知。言行樞機。言發

于表。行根于裏。惟表裏相應。然後可言行一致。

劉公節。

總旨劉公接入手容足容。周旋中禮。而後為敬

而無失。恭而有禮。

仲車節。

總旨此言仲車為學之誠。存心之正。**論題**學以

至誠為本。此題發出學術多端。本惟一致。大人只是

明明德。君子只是主忠信意。

文中節。

總旨此言文中子服御之儉。尚色之正。

柳玘節。

總旨此言柳公飲食之儉。

文靖節。

總旨此言李公治家之儉。

張文節。

總旨此言張公崇儉之德。分二節。上是人譏其

儉。下是公慮其奢。**論題**居位去位。身存身亡。如一日。

此題要知。當居位之日。即萌一去位之私。當身存之日。

即萌一身亡之思。可謂慮後之遠。而非目前宴安是狃。

彼無遠慮而有近憂者可以鑑矣。

溫公節。總旨此溫公述先公之儉傷時俗之奢而欲拯正之意分三段第一段是追其父之儉束二段是著其世之奢三段是傷嘆而思拯正之論題風俗頹靡此題要知作法于儉猶恐其奢作法于奢弊將何拯然風俗頹敗實由上之人助之為奢故欲維風易俗先自上之人始溫公洞見弊源可不以清儉革其奢靡。

又溫公節。總旨此溫公自述終身不喜華靡之事論題

不敢矯俗于譽。此題要知公孫布被只是矯情于譽溫公儉素出于天性自然非好名之人可比。

信民節。總旨此胡公嘆美信民淡泊之語以終上文崇

儉之意

小學旨意存是卷六終

大草氏藏版

弘化三丙午初秋發兌

書肆

京都三條通外屋町

出雲寺文次郎

江都小倉川傳通院前

鴈金屋清吉



